

Impresion a worde crea cu nan ta completamente di acuerdo cu concepto

ORGANIZACION MEDICONAN DI CAS TRAS DI ASEGURU MEDICO

ORANJESTAD(AAN) Un di e sorpresanan di ayera a bini for di seno di e Organizacion di Mediconan di Cas, cu enfrente Staten a crea e impresion cu nan ta di acuerdo cu e actual concepto di e Aseguro Medico General.

Mientras for di mundo medico, varios informante den e ultimo lunanan aki a trece dilanti cu mediconan no por ta di acuerdo cu e Aseguro Medico General, ayera e Asociacion di Mediconan di Cas a papia un idioma completamente distinto.

Por a comprende cu nan lo kier a mira algun cambio relativo den e concepto di

Ley, pero cu nan no tin remarcanan mayor.

E actitud di e mediconan di cas a sorprende pasobra e mensahe cu nan a laga atras pa henter Staten tabata uno cu nan por uni nan mes cu e actual concepto di Ley. Nan presentacion ningun momento tabata di acuerdo cu e ponencianan pisa cu a scucha den mundo medico, cerca tambe docternan di cas.

Varios docter di cas a yega di bisa DIARIO directamente cu nan ta rechaza e concepto di Ley y cu na nan parecer e concepto actual solamente lo bay crea problemanan serio den cuida medico na

Aruba. Entre otro e mediconan ta mira problema serio cu e regulacionnan pa trabao di mediconan, cu ta bira completamente dependiente di e decisionnan di e grupo, cu un Gobierno politico lo bay nombra pa dirigi e Aseguro Medico General.

Sinembargo, por a comprende for di e exposicion di e Asociacion di Docternan di Cas ayera cu nan lo kier mira solamente algun cambio pero cu e actual concepto por haya nan aprobacion.

Mester bisa cu ayera e docternan di cas tabata e unico Organizacion cu a mustra aprobacion pa e concepto di Lev.

Nos tin mester di: **SALESPERSON**

Nos ta ofrece un bon salario y comission atractivo.

Yama telefoon 34655 pa un cita.



Simariyo N.V.

(tel. 30797)

Voor alle soorten typewerk (wordprocessor):

- contracten
- documenten
- rapporten
- scripties
- jaarverslagen, etc.

Bel Mevr. Arends op gedurende kantooruren. (OFFICENTRE)

Desde 6 di Januari 1992, nos tin un cambio den nos oranan di servicio na nos **Boulevard Branch**

Orario Nobo: Oficina 8:00 a.m. - 4:00 p.m.
Drive-Thru 8:00 a.m. - 6:00 p.m.

Nos otro branchnan lo continua cu nan orarionan acostumbra:


Caya Betico Croes: 8:00 a.m. - 11:50 a.m.
1:15 p.m. - 4:00 p.m.

Strada II: 8:30 a.m. - 12:20 p.m.
2:30 p.m. - 5:25 p.m.

San Nicolas: 8:30 a.m. - 11:50 a.m.
2:00 p.m. - 4:55 p.m.

Nos Bancomaticonan na Caya Betico Croes, Boulevard y San Nicolas ta ofrecebo 24 hora di servicio

Caribbean Mercantile Bank N.V.
Bo banco amigo. Bo banco di confianza



APERTURA DI EXPOSICION GUSTAVE NOUEL NA ESPAÑA

ORANJESTAD (AAN): Ministro Plenipotenciario di Aruba na Hulanda, Ella Tromp-Yarzagaray a efectua e apertura di un exposicion di e pintor Arubano Gustave Nouel cual a tuma lugar den e renombrado Centro Cultural Nicolas Salmeron na Madrid (España).

Ministro Tromp-Yarzagaray tabata acompaña pa Jimmy Oduber di Departamento di Cultura di Cas di Aruba kende for di comienzo tabata envolvi den e organizacion di e exposicion aki.

Gustave Nouel, cu ayudo di UNOCA, a tene su exposicion di 10 te cu 20 di December na e capital di España. Durante e apertura den e Centro Cultural, Ministro Plenipotenciario a acentua e lazonan historico cu Aruba tin cu España, refiriendo na e temporada cu Aruba tabata colonia di España.

Tambe e intencion di Gobierno di Aruba pa exporta e cultura y duna nos propio artistanan e oportunidad pa subi mercado internacional a haya su atencion. Ministro Presidente di Aruba, Nelson Oduber, den e prologo di e bunita catalogo di e exposicion titula "Jazz-Art" ta bisa entre otro:

"Kende manera Gustave Nouel, cu su cualidadnan pa realiza tal superacion mediante su obranan plastico. Gustave Nouel ta reuni e caracteristicanan di ta pintor Arubano compeneta cu tradicionnan di nos pueblo cu un formacion permea di influencia di cultura Caribense y Latino Americano, kende pa su aspiracion y dedicacion-

nan artistico a yega di conoce a fondo e clasiconan di pintura y di tecnicanan contemporaneo. Ta justifica anto cu nos ta considera e artista aki un pintor-puente entre Aruba, mundo nobo y España".


Di parti di Hulanda tabata presente N.P. van Zutphen, kende ta Ministro na e Embahada Hulandes na Madrid. Tambe tabata presente e teniente alcalde di Madrid, Sr. Hernandez, e consejal general di cultura di Madrid, Sr. Pardio, Sra. Carmen Dólera Gil, directora di Centro Nacional de Nuevas Tendencias Escenicas di e Ministerio di Cultura, Sra. Elene Mungos, directora di Centro Cultural Nicolas Salmeron, y diferente otro representantenan di e ayuntamiento di Madrid.

Den su discurso e teniente alcalde di Madrid a elogia e pintor Arubano pa su perseverancia y e calidad di su obranan. Tambe e tabata tin hopi elogio pa Ministro Plenipotenciario Ella Tromp-Yarzagaray y pa Gobierno di Aruba pa e forma activo di stimula cultura.

Otro aña Madrid lo ta capital cultural di mundo y di ambos banda a keda expresa e deseo cu e exposicion aki lo ta e comienzo di un intercambio cultural entre ambos pais.

Ministro Tromp-Yarzagaray a entrega e teniente alcalde un buki di Aruba cu bunita potretnan di paisahe Arubano y skirbi na tres idioma.

Como 110 persona a presencia e apertura di e exposicion di e gran pintor Arubano na Madrid.



*Grand Holiday
Casino*

**Grand Holiday Casino Is In
Need Of**

**INEXPERIENCED
People Wishing To Train As
Dealers For:**

**BLACK JACK
&
CARIBBEAN STUD**

Please Contact Us Between 1 pm -
5 pm in Person.